

Moliyaviy qo'yimlarni inventarizatsiyasi

3.31. Moliyaviy qo'yimlarni inventarizatsiya qilinganda qimmatli qog'ozlar va boshqa tashkilotlarning ustav kapitallari, shuningdek, boshqa tashkilotlarga berilgan qarzlarga qilingan haqiqatdagi xarajatlar tekshiriladi.

3.32. Qimmatli qog'ozlarning haqiqatda mavjudligi tekshirilganda quyidagilar aniqlanadi:

qimmatli qog'ozlar to'g'ri rasmiylashtirilgani;

qimmatli qog'ozlar saqlanishi (haqiqatda mavjudligini buxgalteriya hisobi ma'lumotlari bilan taqqoslash orqali);

qimmatli qog'ozlar bo'yicha olingan daromadlarning buxgalteriya hisobida o'z vaqtida va to'liq aks ettirilishi.

3.33. Qimmatli qog'ozlar tashkilotda saqlanganida ularni inventarizatsiyasi kassadagi pul mablag'larini inventarizatsiyasi bilan bir vaqtda o'tkaziladi.

3.34. Qimmatli qog'ozlarni inventarizatsiyasi alohida emitentlar bo'yicha o'tkazilib, dalolatnomada nomi, seriyasi, raqami, nominal va haqiqiy qiymati, uzish muddatlari va umumiy summasi ko'rsatiladi.

Har bir qimmatli qog'oz rekvizitlari xo'jalik yurituvchi sub'yekt ro'yxatlari (reyestrlari, kitoblari) ma'lumotlari bilan taqqoslanadi.

3.35. Maxsus tashkilotlarga (qimmatli qog'ozlarni saqlaydigan maxsus joy bank-depozitariy va h.k.) saqlash uchun topshirilgan qimmatli qog'ozlarni inventarizatsiyasi xo'jalik yurituvchi sub'yekt buxgalteriya hisobining tegishli schyotlarida qayd etilgan summalar qoldiqlarini

ushbu maxsus tashkilotlar ko'chirmalari ma'lumotlari bilan solishtirishdan iborat bo'ladi.

3.36. Boshqa tashkilotlarning ustav kapitallariga moliyaviy qo'yilmalar, shuningdek, boshqa xo'jalik yurituvchi sub'yektlarga berilgan qarzlarni inventarizatsiyada hujjatlar bilan tasdiqlanishi kerak.